

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

10

Ch ~~R~~ 9299.114

~~Ch L 9801.114~~

79299/114

10

三

3

三才圖會

地理十一卷

蜀都圖

青城山圖

平蓋山圖

北石山圖

西石山圖

三才圖會

雲南元松公

棧道圖

雲南山圖

三峽圖

安樂山圖

西石山圖

三才圖會

地理十一卷

蜀都圖

青城山圖

平蓋山圖

峩嶧山圖

瓦蓋山圖

哈佛大學
圖書館
珍藏
印

雲間元翰父王圻編輯

曾孫爾賓重較

棧道圖

雲臺山圖

三峽圖

安樂山圖

邛徠山圖

岷山圖

泉山圖

岐山圖

劍津圖

九鯉湖圖

武天山圖

霍童山圖

方廣山圖

九日山圖

柃欄山圖

壺公山圖

蓮峰山圖

七臺山圖


蜀都圖



武擔山在成都府治北蜀記武都山精化女子蜀王開明
納爲妃不習水土而死王遣五丁於武都山擔土爲冢蓋
地數畝高七丈上有石厚五寸徑五尺瑩潔號曰石鏡用
表其門又傳成都內及毗橋側有一折石長三丈云是五
丁擔土擔漢昭烈卽位於武擔之南謂此

岷江卽四瀆之一也俗名汶江源出岷經茂州城下西南
至威州又過汶川轉而東南至灌縣過金馬口至新津縣
與皂江水合

浣花溪在府城西南五里一名百花潭按吳中復冀國夫



人任氏碑記夫人微時見一僧墜污渠爲濯其衣百花滿潭因名其潭曰浣花唐妓薛濤家潭旁以潭水造紙爲十色箋李義山詩浣花箋紙桃花色卽此

諸葛井在府城西南五里相傳漢諸葛亮欲通井絡王氣故爲此井

洗墨池在府城內成都縣南卽揚雄草玄洗硯之池

草堂在府城西南五里浣花溪上卽杜甫宅也甫詩萬里橋西宅百花潭北庄謂此

琴堂在府城西南五里漢司馬相如宅唐杜甫詩茂陵多

病後尚愛卓文君酒肆八間世琴臺日暮雲

萬里橋在府城中和門外寰宇記著諸葛亮送費禕聘吳至此曰萬里之行始於此矣又唐史載玄宗狩蜀過此問橋名左右對以萬里玄宗歎曰開元末僧一行謂更二十

年國有難朕當遠遊至萬里之外此是也遂駐蹕成都

錦江橋在府城東錦江街

昇仙橋在府城北七里漢司馬相如嘗題柱曰大丈夫不乘駟馬車不復過此橋

大慈寺在府東唐至德間建玄宗書大聖慈寺四字尚存

錦官城在萬里橋南因其有錦官故名猶合浦之珠官也
嚴君平宅在府城西南隅卽嚴遵賣卜處又漢州東一里
有君平臺綿竹縣有君平池
五塊石在府城南石有五塊高一丈餘下有海眼昔人嘗
起其石風雨暴作

棧道圖



蜀中古稱益州天府明興則四川轄也汧渭之墟本秦屬
乃入蜀咽喉故益門鎮在焉記入蜀者當自寶雞始寶雞
古陳倉縣也出縣南門度渭水十五里至鎮關尹喜故宅
在焉又十里而登山則入棧道矣高坪插雲顏以陳寶重
關卽大散關也關下水北流入渭南流入漢堪輿家謂爲
中龍過脉云此爲虎豺晝夜伏道傍二十餘步則起獨樓
雜以檻穽卽二三烟突聚落亦斫木爲城環避之又過偏
橋路絕處插棧崖壁間徧山架木下臨白水江源始真棧
也自寶雞至此覆屋咸以板真西戎俗矣又上鳳嶺上下




五十二里嶺南北水各入白水江是爲三岔者一去鳳一去
褒一去郿也郿道在叢山枯壑中衆謂孔明出斜谷卽此
三岔十里水自松林北流亦合白水抵陳倉口路嶮巖僅
容单人西行二百里可徑達沔之百丈坡韓淮陰明修棧
道陰度陳倉者是又三十里至松林十里上柴關五里至
其巔復下十里爲紫柏署前列雙峰左山深處有寺樹石
蒼翠錯落棧中第一勝地也平砂如砥晴雨皆可人青山
夾馳綠水中貫豐林前擁疊嶂後隨去來杳無其跡倘非
孔道真隱居之適矣關上流北仍白水南入黑龍江水深
約二丈餘然皆巨石激湍漢張湯欲從此通漕于渭不
得當時水石何似又行三十里而上七盤盤盡爲雞頭關
一百如雞冠起逼漢下俯江水出白石盆兩崖突兀爲出
最奇處鄭子真耕焉稱鄭谷

青城山圖



青城山在灌縣西南五十里唐杜光庭記岷山連峰接岫
千里不絕青城乃第一峯也前號青城峰後名大面山山
有七十二小洞應七十二候有八大洞應八節道書以此
山爲第五洞天乃神仙都會之府

五臺山圖



雲臺山在蒼溪縣東南三十五里高四百丈山峰峻峭插
天一名天柱卽漢張道陵昇處宋建永寧觀有洞曰麻姑
芙蓉平仙浚仙池曰浴丹玉魚巖曰松根蟠桃又有九轉
亭丹竈尚存山多榕栢有一絕大者中空可坐數人旁有
亭名魁栢

平蓋山圖



平蓋山在南溪縣西一十五里有三山九隴惟此山一峰
特出頂圓而平故名一名牛心山一名瑪瑙山漢真人劉
景鶴隱此煉丹有石洞深邃上有石穴圓如蓋有水出焉
往時遊人憩此掬水飲之取之不竭又有木葉紋如篆謂
之符葉

三峽圖



十二峰在巫山曰望霞翠屏朝雲松巒集仙聚鶴淨壇上
昇起雲飛鳳登龍聖泉沿峽首尾一百六十里唐沈佺期
詩巫山峰十二合沓隱昭回俯眺琵琶峽平看雲女臺
瞿塘峽在府城東舊名西陵峽乃三峽之門兩岫對峙中
貫一江灩澦堆當其口唐杜甫詩三峽傳何處雙崖對此
門入天猶石色穿水入雲根白居易詩瞿塘天下險夜上
信難哉岸似雙屏合天如匹練開


巫峽在巫山縣東三十里卽巫山也與西陵峽歸峽並稱
三峽連山七百里畧無斷處自非亭午夜分不見日月水



經云杜宇所鑿以通江水圖經云此山當抗峰岷峨偕嶺
衡嶽凝結翼附並出青雲

灩澦堆在瞿唐峽口江心突兀而出水經云白帝城西有
孤石冬出水二十餘丈夏卽沒秋時方出諺云灩澦大如
象瞿唐不可上灩澦大如馬瞿塘不可下峽人以此爲水
候唐白居易詩見說瞿唐峽橫斜灩澦根難於尋鳥道險
過上龍門

峩眉山圖



峨眉山在嘉定州峨眉縣峨眉有三山爲一列曰大峨眉中
我小峨眉中我小峨眉皆傳有游者今不復有路惟大峨眉其高
摩霄爲佛書所記普賢大士示現之所峨眉縣出西門登
山過慈福普安二院白水莊蜀村店十二里龍神堂自是
礪谷春淙林樾雄深轉至華林院過青竹橋峨眉新觀路
至中峰院院有普賢閣回環十數峰繞之背倚白崖峰右
傍最高而峻挺者曰呼應峰下有茂真尊者菴孫思邈隱
峨眉時與茂真常相呼應於此云出院過樟木牛心二嶺
及牛心院路口至雙溪橋亂山如屏簇有兩山相對各有



一溪出並流至橋下石墜深數十丈窈然沉碧飛湍噴雪
奔出橋外則入岑蔚中可數十步兩溪合以投大壑淵渟
凝湛散爲溪灘灘中悉是五色及白質青章石子水色翹
塵與石色相得如鋪翠錦非摹寫可具牛心寺三藏師繼
業自西域歸過此將開山兩石闔溪上攬得其一上有眉
目以爲寶瑞至今藏寺中此水遂名寶現溪自是登危磴
過菩薩閣當道有榜曰天下大我山遂至白水普賢寺自
縣至此皆峻阪四十餘里然始是登峰頂之山脚耳泊白
水寺謁普賢大士銅像宋初勅成都所鑄有太宗仁宗真

宗二朝所賜御製御書百餘卷七寶冠金珠嬰珞袈裟金
銀餅鉢奩爐匙筯果壘銅鐘鼓鑼磬蠟茶塔芝草之屬又
有崇寧中宮所賜錢幡及織成紅幢等物內仁宗所賜紅
羅紫繡袈裟次至經藏亦朝廷遣尚方工作也正面爲樓
閣兩傍小樓便戶釘鉸皆以鍮石極備奇靡相傳純用京
師端門之制經書造於成都用碧硨紙銷銀書之卷首悉
有銷金圖畫各圖一卷之事經兼織輪相鈴杵器物及天
下太平皇帝萬歲等字於繁花繡葉之中次至三千鈇佛
殿云普賢居此山有三千徒衆共住故作佛鑄甚朴拙自

此登峰頂光相寺七寶岩其高六十里大略去縣中平地
 不下百里又無復蹊磴斫木作長梯釘岩壁緣之而上意
 天下登山險峻無此比者出白水寺側門便登點心山言
 峻甚足膝點於心云又過峰門羅漢店大小扶捍錯喜歡
 木皮里胡孫梯雷洞平凡言平者差可以託足之處也雷
 洞者路左深崖萬仞磴道缺處則下瞰沉黑若洞然相傳
 下有淵水神龍所居凡七十二洞歲旱則禱于第三洞初
 投香幣不應則投彘及婦人衣履之類以振觸之往往雷
 風暴發於此洞過新店八十四盤娑羅平娑羅者其木葉

如海桐又似楊梅花紅白色春夏開惟此山有之大抵栽
 之上凡草木禽虫悉非世間所有者季夏數日前雪大降
 木葉有雪清爛斑之跡草木之異有如八仙而深紫有如
 牽牛而大數倍有如蓼而淺白聞春時異花尤多但是時
 山寒人鮮能識之草葉之異白亦不可勝數山高多風木
 不能長枝悉下垂古苔如亂髮挂木上垂至地長數丈又
 有塔松狀似杉而葉圓細亦不能高重重偃蹇如浮圖至
 山頂龍多又斷無鳥雀蓋山尚飛不能上自娑羅平過思
 佛亭軟草平洗脚溪遂極峰頂光相寺亦板屋無人居中

有普賢小殿山頂有泉煮米不成飯俱碎如砂粒萬古水
霜之汁不能熟物也登天仙橋至光明岩炷香小殿上木
皮蓋之王瞻叔參政嘗易以瓦爲霜雪所薄一年輒碎後
復以木皮易之翻可支二三年人云佛現悉以午云登岩
睨望岩後岷山萬重少北則瓦屋山在雅州少南則大瓦
屋近南詔形狀宛然瓦屋一間也小瓦屋亦有光相謂之
辟支佛現此諸山之後卽西域雪山崔嵬刻削凡數十百
峰初日照之雪色洞明如爛銀晃耀曙光中此雪自古至
今未嘗消也山綿延入天竺諸番相去不知幾千里望之


但如在几案間下山游黑水過虎溪橋奔流激湍大略似
雙溪而小不及始開山僧自白水尋勝至此溪漲不可渡
有虎蹲伏其傍因遂跨之亂流而濟故以名溪黑白二水
皆以石色得名黑水前對月峰棟宇清潔離黑水復過白
水寺前渡雙溪橋入牛心寺飛濤濺沫襟裾皆濡境過清
毛髮盡竦寺對青蓮峰有白雲青蓮二閣最佳牛心本孫
思邈隱居相傳時出諸山寺中人數見之小說亦載招僧
誦經施與金錢正此山故事有孫仙煉丹竈在峰頂又至
淘米泉在白雲峽最深處去寺數里水沫不可涉獨訪丹

竈傍多奇石祠堂後一石尤佳可以箕踞宴坐名玩丹石
寺有唐畫羅漢一板筆迹超妙眉目津津欲與人語此寺
卽繼業三藏所作業姓王氏耀州人隸東京天壽院乾德
二年詔沙門三百人入天竺求舍利及貝多葉書業預遣
中至開寶九年始歸寺所藏涅槃經一函四十二卷業於
每卷後分記西域行程雖不甚詳然地里大略可考世所
罕見出牛心復過東峰之前入新峩眉觀自觀前山開新
路以游龍門竭蹙數里歛至一處澗溪自兩山石門中湧
出是爲龍門峽也以一葉舟棹入石門兩岍千丈岩壁色

如碧玉刻削光潤入峽千餘丈有兩瀑布各出一岩頂相
對飛下嵌根有盤石承之激爲飛雨濺沫峽舟過其前衣
皆沾濕又數丈半岩有圓龕去水可二丈以木梯升之卽
龍洞也峽中紺碧無底石寒水清非復人世舟行數十步
石壁益峻水益湍亟回棹前去更奇昔嘗聞峩眉雙溪不
減廬山三峽及至龍門則雙溪又在下風蓋天下峽泉之
勝當以龍門爲第一然其路嶮絕亂石當道將至峽必捨
輿躡草履經營傾步於槎牙兀嶮中方至峽口蓋大峨峰
頂天下絕觀蜀人固有罕游而龍門又勝游峩眉者亦罕

能到非好奇喜事忘勞苦而不憚疾病者不能至焉

安樂山圖



三才圖會卷之十一地理

安樂山在合江縣西五里三峰奇秀隋劉真人登仙於此
 上有延真觀及石櫃左有石棋局金線泉後有仙魚影隱
 隱石壁中右歷楠木臺仙人室十二盤至剪刀峽循山有
 石洞通南岩有石曰許由瓢又有芙蓉城滴水崖白猿洞

九屋山圖



瓦屋山在雅州榮經縣北一百二十里峰頂常現辟支普
賢光相夜有神燈號辟支道場或問禪惠大師瓦屋何以
木皮蓋師曰錦府豈從機上織劍門寧自匣中開

邛徠山圖



印徠山在雅州榮經縣東四十里本名印徠故印人徠人
杖界也山巖阻峻凝冰夏結冬則劇寒產竹高節中實堪為

九折坂在印徠山路阻峻回曲九折乃至山上漢王陽為
益州刺史行部至此嘆曰奉先人遺體奈何數乘此險後
以病去及王尊為刺史至此問吏曰此非王陽所畏道邪
叱其馭曰驅之王陽為孝子王尊為忠臣

岷山圖



岷山在茂州羗之列鶴村一名鴻蒙卽隴山之南首故稱
隴蜀又名汶焦山其趺白羊膊江水所出也山直上六十
里嶺之最高者遇大雪開洋望見成都

方廣岩圖



方廣岩在福州府永福縣東七都峭拔千仞上有石室可容千人室之內構閣三重上雨旁風皆石室庇之不假片瓦宋黃非熊讀書其中嘗撫山中之景爲十奇各有詩刻于石玉泉洞瑞松塢鐘磬石聽泉崖瀑布泉懸崖千丈散若瓊瑤響如琴筑龍樹岩靈洋谷龍尾泉有石如龍貫石崖中潑潑然僅見其尾有泉緣其尾而下注于石盂不盈不涸望仙臺清陰洞已上卽所謂十奇也星岩仙掌仙樹仙墻仙芝石門石筍石竈石田石燈觀音影皆山中奇觀岩之隘口有井曰白龍清冽而甘以瀹茗號第一泉

泉山圖



泉山一名北山一名齊雲山在泉州府棠陰里三十九都周環四十里爲郡之主山顏師古注漢書朱買臣所謂越王所保之泉山是也宋錢熙詩魏莪堆壓郡城陰秀出天涯幾萬尋翠影倒時吞半郭嵐光凝處滴疎林龜岩在泉山之半巨石如龜中空可居唐林藻林蘊歐陽詹皆嘗讀書於此有石硯見存又有崇秀塢醉月石獅子岩在龜岩之畔有石巉然如獅子狀清源洞在泉山有上下二洞上洞名純陽在山巔乃東甌王避漢兵處後有石室宋裴道人仙蛻之所號蛻骨岩下洞名紫澤去上洞半里許有蔡如金真人祠及丹竈上有百丈石山陰有梵刹四區嶮峰疊巘寓目登眺如在天上郡人多遊焉杖藜泉在清源洞側若坎井然相傳蔡如玉手握藜杖拄地而泉出故名清源泉在清源上下二洞間深不過五六尺甘潔無比山以泉名蓋本於此云

泉山一名北山一名齊雲山在泉州府棠陰里三十九都周環四十里爲郡之主山顏師古注漢書朱買臣所謂越王所保之泉山是也宋錢熙詩魏莪堆壓郡城陰秀出天涯幾萬尋翠影倒時吞半郭嵐光凝處滴疎林龜岩在泉山之半巨石如龜中空可居唐林藻林蘊歐陽詹皆嘗讀書於此有石硯見存又有崇秀塢醉月石獅子岩在龜岩之畔有石巉然如獅子狀清源洞在泉山有上下二洞上洞名純陽在山巔乃東甌王避漢兵處後有石室宋裴道人仙蛻之所號蛻骨岩下洞名紫澤去上洞半里許有蔡如金真人祠及丹竈上有百丈石山陰有梵刹四區嶮峰疊巘寓目登眺如在天上郡人多遊焉杖藜泉在清源洞側若坎井然相傳蔡如玉手握藜杖拄地而泉出故名清源泉在清源上下二洞間深不過五六尺甘潔無比山以泉名蓋本於此云

九日山圖



九日山圖

九日山圖

九日山圖

九日山圖


九日山圖

九日山圖

九日山在南安縣連跨晉江縣界重九日邑人多登高於此無等岩高丈許鑄泉南佛國四大字唐僧無等建菴其側跌坐四十年菴今廢石佛岩在高上峰之巔陳洪進鑄佛像於大石上建菴以覆之翻經石梁普通中僧拘那羅陀嘗翻譯金剛經於其上眺石在蓮花峰之巔高廣皆丈餘登其上則四方萬境舉在目中故名小清涼石方廣丈餘古木數株掩映其上登者必先憩於此石竈石盆石碾石硯四石皆在秦君亭側相傳唐隱士秦系遺物也自然磔石圓如彈丸周圍又餘出於天成碧玉峽二石相並

如玉之立放生池在寺前上有翠光亭惠泉宋郡從事袁闡一重濬之陳知柔爲銘白雲井泉味甘冽相傳唐進士傅荀嘗旦汲井見雲覆水湧有龍躍其中又名釣龍井已上皆九日山延福寺三十六奇中景也高士峰在九日山之西唐秦系隱于此上有石篆刻曰高士峰元張光道詩淡淡梨花寂寞春一聲啼鳥隔花聞高峰影射金鷄月渤海晴橫碧嶠雲蓮花峰在九日山之北上開八石若蓮花然宋朱文公詩八石天開勢絕攀筭來未似此心頑已吞繚白縈青外依舊箇中雲夢寬


岐山圖



岐山在漳州府城東十五里與鶴鳴山聯岐三峰秀聳龍
江之上延袤十里許五代時僧楚熙居此石禪牀鑿石爲
之宋胡梅所詩空山危石平如掌雲鎖苔封自昔時不識
山僧曾坐處幾回彈舌雨龍歸題詩石一石覆之其文字
漫滅可識者數字而已桃源口胡梅所詩洞門無鎖白雲
深洞口閑來一問津安得當時種桃者相逢花下說前因
誦經壇有石斜疊色如銀擊之有聲一作誦經石胡梅所
詩昔人曾此月明中掃石焚香禮碧空千載臺空人不見
野花啼鳥自春風一人泉在虛白巖出於石穴深不盈尺

清冽可愛以其水僅足供一人故名潛翁岩隋唐間有潛
翁者修煉於此石碁枰虛白巖上覆全石下竅而平日華
照耀洞然虛白千人洞在掛練石下洞口狹而暗其中寬
朗可容千人黃巢之亂郡人多避於此胡梅所詩天生巖
穴受千人隱隱幽深隔世塵不識人間經幾劫洞門依舊
鎖閑雲謙師巖僧從儉坎石爲室居四十年因以爲號石
室巖在岐山之上巨石如室其石廓然平朗正統初有僧
絕塵者修行於此因作樓岩前以居嘗剝竹引水入厨竹
節間生筍遂成叢竹今號瑞竹岩


拚欄山圖



三才圖會

地理十一卷

三



三才圖會

地理十一卷

三

併欄山在延平府永安縣治北二十七都山多產併欄木
故名宋鄧肅居其下自號併欄居士舊傳嘗有神仙往來
其間峰巒巖岫不可勝數神剋鬼劃高下相屬烟雲出沒
無時草木蒙茸四時一色宋李綱常目爲小武夷天柱峰
與獅子巖並聳百餘丈如削射梁峰舊傳仙人嘗射於峰
仙臺以此峰爲梁宋明道中畊者嘗得數十箭于臺側觀
音巖在野雲洞側石壁萬仞集仙巖頭陀巖相傳唐有裴
頭陀者鐵履渡江來居此山披荆榛創小菴坐側石罅日
湧米二升以贍之客至則隨增後人大其竅米遂絕野雲

洞其中日夕雲霧吐吞降仙臺在山之上石高大而平
如臺然舊傳仙人時降其上足跡尚存臺下一石室碁局
界畫分明有黑白數子左右蒼石可坐名爛柯石步雲臺
走馬埒山絕頂寬廣而砥平相傳仙人走馬其上蹄跡尚
存銅盤澗流十餘里潞而爲潭泓渟涵碧接仙橋天池在
山之上廣一里許水澄澈不涸金剛石寶蓋石試石俱爲
併欄山之奇勝也

劍津圖



劍津在延平府南平縣治東建寧邵武二水合流之所晉
雷煥得二劍於豐城以一與張華留一自佩華死失劍所
在其後煥子佩劍渡延平津劍躍入水化爲龍因名劍津
亦名劍潭唐歐陽詹詩想像精靈欲見難通津一去水漫
漫空餘昔日凌霜色長與澄潭生晝寒

延平書院在建津之陽宋嘉定間郡守陳宓建於南山下
因稱李侗爲延平先生故名後守董洪徙建於此中有禮
殿祠堂明誠忠恕中和敬義四齋及光風霽月亭本朝永
樂初重建

延平山圖



壺公山在興化府莆田縣山皆四面獨此山有八面高聳
千餘仞郡治正對之山形方銳如圭首峙立如屏秀特端
重蓋郡之鎮山也舊經云昔有隱者遇一老翁於絕頂忽
見宮闕臺殿似非人間翁曰此壺中日月也後人因以壺
公名山宋朱文公經莆望見壺山而南一面尤獨秀曰莆
人物之盛皆茲山之秀所鍾此老作怪也識云壺公山若
斷莆田朱紫半水遶壺公山此時方好看蔡君謨興水利
引水遶壺公山朱紫半朝宋劉克莊詩斫木人多山漸瘦
結老僧去石誰眠鳥歸半嶺銜斜日樵返疎林起暮烟蟹

井在山頂泉出石穴中其脉通海視潮盈縮中有雙蟹藏
旱縣大夫率詣祈禱以茅葉引之置缶中迎歸卽雨真淨
巖在山之絕頂莆中風物之勝一覽可盡靈雲巖在山之
陽上有桃花洞蘸月池泉石奇勝爲莆人遊賞之地虎丘
巖宋徐思仁云李習之謂凡山居以怪石奇峰走泉深潭
老木嘉草新花視遠爲幽壺山虎丘巖殆兼有此景盤陀
石法流泉濯纓沼石壁峰碧溪灣俱在壺公山號五奇

九鯉湖圖



圖

九

里

三

圖

地理


三

九鯉湖在興化府仙遊縣自興化府八十里始至九仙宮
山自永福縣嶙峋起伏而來至此聳爲一峰石上湧飛泉
泉曰味甘世傳漢時有何氏兄弟九人飲此泉因各乘一
鯉上昇故名俗呼何巖上有古何城城之東有石洞可坐
百人下爲何嶺宋陳讜書何嶺二大字刻于石湖曰仙湖
水曰仙水縣曰仙遊俱以何氏九仙得名路旁有仙泉井
宋陳照度仙水第一源記東有仙迹石南有侯坂高平山
唐陳嶠世居之湖之右有九仙宮西有仙閣凡禱夢於此
山者必通姓名籍貫於侯長者祭必以白鷄之雄者宮之



前左右兩山蟠踞環抱於湖紫翠如滴中一水沿石澗由
宮之左而下匯於湖澄泓停蓄深不可測其水之由澗而
下於湖者奔騰噴礴如飛雪舞空號為捲簾泉真奇觀也
澗口一巨室方正如屋橫亘其上雄跨東西絕無根據若
以人力置之殊不可曉夜卧卧道士房濤聲如雷不能安枕
宮之前有大石平曠下瞰於湖石上有穴如烟突其中水
深不測蓋下通於湖者

蓮峰山圖




蓮峰山在汀州連城縣縣東七里許亭亭秀峙屹立于群山之表下妥上銳望若蓮花然故名舊云東田石元馬周卽改名復取山間之奇勝者爲十三景以古隸書刻于石曰蒼玉峽曰雲棧曰天梯曰冠豸曰桃源曰清如許曰芙蓉波曰金字泉曰白雲深處曰天光咫尺曰蒼谷曰靈虛曰小崆峒其山雖險上則平曠可容萬人有寨有城有池有塹有雲樓宣武西南四門舊有蓮峰菴菴之左有丘氏書院又有開國彭侯祠有三君子堂及定光古佛道場今俱廢獨存玄真堂

武夷山圖



武夷山在建寧府崇安縣南三十里其峰巒大者三十六
舊經第爲第十六洞天自洞天门出玄關至大王峰峰高
五千餘仞絕頂投龍洞天鑑池有仙鶴巖者舊所繪鶴翎
朱頂歲久不磨東有昇真洞石壁中特竅開一室廣數丈
而深倍之最北有幔亭峰其形如幄峰巒環繞烟鎖琪林
又紫檜丹楓紅塵不染恍非人世西折則九曲在望其一
曲水中石上題曰智動仁靜溪右爲大小觀音石獅子岩
巍然獨立望之蹲踞昂首真如狻猊石上刻九曲溪三字
者水光石也右有鉄板障其色純黑壁立鏡削如砥轉至




二曲有玉女峰如美姝麗人之態稍低則粧鏡臺仙冠石以次並峙若爲玉女曉粧而有事者其側峰巒森秀中峰尤峻而聳者爲三峯石後名昇仙峰者張真君之飛昇處也試劒石則控鶴仙人劒成而試之石分爲二故以試劒名也下有小九曲遊舟可入尤爲奇絕仙船岩峭壁間忽開一穴小船架於懸崖橫木之上所謂絕壑架船亦三曲之仙蹤也仙學堂則石壁環繞中有石屋几案具存蓋仙家翰墨之館又名曰翰墨岩其他曰水樂曰車前肝聯肺附不可勝數曰仙機者於峭壁上鈇開一洞木板橫亘如

機杼狀又最勝者則大藏岩峻拔壁立下際深淵上接星斗人跡所不到猿猱所不能升乃有枯槎於石罅間以度舟船棺柩之屬外列陶器至今不朽或以羣仙各逞技巧理或有之金鷄洞在四曲稍斜朱晦菴所謂金鷄叫罷無人識月滿空山水滿潭者此也晦菴精舍後有大隱屏背倚大王峰懸崖瀑布俯瞰清溪碧流萬頃又其最也水之東流凡九曲而五曲爲最深蓋山之自北而南者至北而盡傳有蛟龍居之在舟中仰視峭壁水勢混濊令人心悸目眩南之天柱獨聳全石爲一峰拔地千尺玉光燦然與

水相映下有更衣石平正如几可以佇足昔魏王於此更衣以登天柱者道人謂天遊一峰獨號多景高深玄奧群峯之鼻祖也又從一二曲經龍門灣數折而達於六曲舍舟由仙掌峰入兩崖插天中間龍湫一道恍疑銀河落自九天天遊一菴隱隱瀑布林薄間捫蘿拾級上達磨崖絕壁多前人題識躡其巔前有萬峰亭亭後精廬數間道人修煉其中由是倚棹谿頭窮七八九曲之勝其溪之兩崖峰石夾立倒影插天水勢逆流如噴雲湧雪山水明秀絕非偏勝真所謂天造地設者也

七臺山圖



七臺山在邵武府城東南一百里連跨汀延邵三郡境上
有七臺曰台星文殊普賢會仙獅子雲臺月臺有菴祀真
濟劉大師菴前有百花洞乃劉蛻化處洞畔有石穴常乾
每歲旱疾疫禱之有水汲之灑田則雨病者飲之亦愈

霍童山圖



霍童山在福寧州寧德縣神仙霍童所居洞天記謂霍林
洞天是也唐司馬承禎於此修煉後駕鶴飛昇遂名鶴林
又吳郡鄧元沛國王元甫鹽官褚伯玉於此授青精飯白
霞丹景之法天寶間改名仙遊山偽閩封為東岳山其中
幽巖邃壑人跡所不到者不能悉數每天晴月皎居人往
往聞空中有樂聲山之西有支提山那羅延巖西有神僧
三窟葛公仙巖南有蘇溪鶴嶺北有菩薩紫帽二峰大童
峰小童峰二峰並峙壁立無際左右弼峰仙經云茅君為
左弼仙卿韓衆為右弼仙伯寶劍巖霍林赤城洞泉湖廣

十丈傍近田資以灌溉都尉甘露坑水絕甘美飲之去疾
延年俗傳茅君嘗與二大都尉會於此蓮花石石仙壇海
鱗井廣五六丈其深莫測相傳中有海鱗甚巨或時出井
面弄水久晴必雨久雨必晴有石廊長三十餘步又有石
室室東有石橋橫跨澗上亦有搗藥石曰石盆石盂皆天
成也

東山圖

白鶴峰圖

七星巖圖

觀音巖圖

妙高臺圖

海珠寺圖

羅浮山圖

南海神祠圖

粵王臺圖

韶石山圖

東山圖

七星巖圖

觀音巖圖

妙高臺圖

海珠寺圖

羅浮山圖

南海神祠圖

粵王臺圖

韶石山圖

三才圖會

地理十二卷

雲間元翰父王圻編集

曾孫爾賓重較


南海神祠圖

粵王臺圖

韶石山圖

白鶴峰圖

七星巖圖



桂林圖

真仙巖圖

都嶠山圖

勾漏山圖

白石山圖

昆明池圖

點蒼山圖

雞足山圖

九鼎山圖

方丈山圖


雪山圖

養龍坑圖

三一溪圖

羅浮山圖





羅浮在增城博羅二縣邈處海上高三千六百丈袤直五

百里峰巒四百三十二遊者自龍華寺有昌福夫人祠七里登山

至延祥寺明月戒壇百尺壇鐵佛像御園柑子至山腰三

里餘有寶積寺中閣御書閣中藏宋太宗真宗仁宗賜書錫杖泉景泰禪師

駐錫之地銅佛像寺後羅漢巖有火通金壇山伏虎巖隋僧惠越居此佛跡石

上山十里有大小石樓二樓相去五里其狀如樓鐵橋峰在羅浮二山相接處上

界三峰上接鐵橋峰高三仞青羊巖在上界第三峰上有羊跡夜樂洞在上界二峰下犀

牛潭試劍石在夜樂洞中軒轅曾於此試劍瀑布泉夜樂洞中鳳凰谷夜樂洞中鳳

浴潭在鳳谷口有五色雲氣瑤石臺在浮山接鐵橋峰飛雲塔又云凌雲在山頂上即飛

雲峰夜半見日出 瑤池在山頂又 阿耨池在飛雲塔之西 夜樂池飛雲塔側池中

夜有阿耨塔梁蕭詧建有 泉源山羅浮二山接連處下接 資福寺南樓寺在

玉鶯峰一名 龍首壇佛書云花首菩薩 故得南去延祥之西五里餘曰黃龍洞南漢於此建天華

樓之南 七星壇有古松十 獅子洞有道者菴 花首臺在黃龍洞之西 山背曰鳳

凰岡何仙姑 雲母溪內出雲 循延祥而東七里餘抵冲虛

觀葛仙 丹竈有東坡書禪 衣冠塚葛仙尸解 蓬萊閣後遺

履軒鮑仙葛仙 銅玉皇像及二侍從三尊南漢所 觀後朱

明洞道書云朱 朝斗壇在洞口近於壇獲 黃野人庵野人

之門人也庵 釣魚臺在觀 青雅谷蘇真人 野人洞即王子

有啞虎守之 觀之北曰酥醪觀葛仙 麻姑峰在觀之西南有麻

靚唐人 觀之南曰觀源洞一名麻姑洞一名藥 西北曰幽居

其集 洞有鄭公 滴水巖在幽居 長壽觀本南漢天華宮 中路直

上君子巖巖側有 雲峰巖其下曰蝴蝶洞洞多蝴蝶云是

前曰水簾洞此中水石最勝張 天漢橋路出藥槽其下

為流杯池昔有八仙會飲於此 羅浮石刻篆書羅浮二

許又小石刻朱明洞天四字倒卧 東龍潭潭上有 自冲虛

溪中又石刻篆書長壽澗三字 觀出會仙橋東行三里餘抵明福觀南漢建亦 迤邐至石

觀出會仙橋東行三里餘抵明福觀名九天觀

觀出會仙橋東行三里餘抵明福觀名九天觀

洞即鄺仙騎小水簾洞此處多白鶴觀葛仙東北至蛇穴

單道開蟬蛻之所相又東數里至蓬萊洞又名雙

有劉仙堂石壇高百丈許峰下有試劍石有羅陽溪傍溪

葱竹巨十圍其節東林寺山之東西有香臺峰會真峰櫻


桃峰拋毬峰刀子峰錦繡峰黃猿峰鉢孟峰致雲峰大旗

峰小旗峰雲母峰雞籠峰又有金沙洞石白洞朱凌洞太

和洞歐陽洞赤水洞白雲洞風洞雲雨洞白角洞大慈寺

洞古老洞枕榔洞大坑洞奇巘秀峰湍流怪石不可名狀

南海神祠圖




三

九

五

南海神祠在廣州市城南二十里海口殿宇弘壯韓昌黎
 碑刻在焉有一峰甚高上有亭曰浴日登望巨海浩瀚無
 際見崖山如浮漚天光中有黑子如小豆凌風而至祠下
 則萬斛巨舟也中門外有達磨像甚偉衣冠皆唐制庭有
 一木榦葉青翠不知名相傳達磨自西域移來者祠中有
 馬援銅鼓數枚大者徑四五尺小者亦二尺

海珠寺圖



海珠寺在廣州會城西南江中蒼梧湟中橫浦諸水皆會
於此入海而山居其中圓而秀若珠浮水面佛宮據其上
幽靜奇絕法界之外無容足之地矣

閩王臺圖



粵王臺在今廣州治漢南粵王趙陀所建上有五層之樓
控遠山望遠海嶺表奇觀也宋之問詩云江上粵王臺登
高望幾回南海天外合北戶日邊開張九齡詩云城隅百
雉映水曲萬家開里樹枕椰出時禽翡翠來二詩足以盡
臺之勝矣

妙高臺圖




妙高臺在今南海之金山粵江環遶孤峰獨立蘇東坡過
南海時常登遊焉作詩云前世德雲身是我依稀猶記妙
高臺蓋記其實也上有東坡祠像

金山圖



韶石山在韶州府城東北八十里山之石怪奇有三峰四
接盤龍駱駝獅子虹蜺鳳閣馬鞍等名而韶石雙峙如闕
相傳舜南巡登此山上奏樂因名唐韓愈詩斲欲繫船
韶石下上賓虞舜整冠裾宋王安石詩怪石巉巖上沈寥
昔人於此奏簫韶

觀音石圖



三才圖會
地理一
卷一
觀音巖在英德縣崇山臨江石竇豁訝中偏側無可觀者
後洞中白石懸岩上望之宛如白猿俗傳大士所降猿精
妄語也石牖外出懸壁數仞藤樹交蔭如世所圖普陀巖

白鶴峰圖



白鶴峰在惠州府之東連山盤錯江水旋遶蘇東坡謫惠州時所居宅也有思無邪齋德有鄰堂左右有朱墨二池中祠公父子兄弟之像外古榕數株積翠如雲蔭覆隆密可愛

東山圖



東山在潮陽府潮陽縣治東與韓山相接上有一巨石有
七孔若北斗狀中一孔出水不盈不涸又有二峰曰雙旌
石唐韓愈遊覽之地亭榭多見於此宋鄭原詩尋泉行處
僻就石坐來寒

七星岩




七星巖在肇慶郡城北其峰嶙峋葱鬱森列碁布如隕星
麗地錯落凡七其中一峰宏開巖壑虛明昭曠可容數百
人嘉石穹窿清泉映帶誠一方之奇觀也巖外構亭數楹
扁曰臨壑引石爲梯直抵巖所巖內築臺高三尺方廣若
千丈又有石室詭怪萬狀斷穴露呀然而闕斷嵌崆刻
巖巖掀層巔劃巨石頑青老碧將墮復屹交撐互撐如竦
如立龍蛇盤蟄煙雲出沒中敞平地廣畝側環翠壁踰仞
滴乳成桂凝嵐作蓋圖經謂帝觴百神之所亦九九小洞
天之一也谿泉清冷林鳥嘲晰猿跳獸擾藤刺薜纏春葩



夏飈秋菊冬桂皆常景物
四足詫尚

桂林



桂林

卷二

十五

桂山在府治東三峰連屬城中望之前峰拔起如獅子昂
首狀有巖桂生其巔次峰宛轉橫亘一方俗號北山從峰
巔巖鬱積是爲疊綵巖舊號越王山頂有石壇世傳 代
時馬殷所築

獨秀山在府治北直聳五百餘丈如卓筆然環頰諸峰獨
爲雄秀

伏波山在府治東北又名伏波巖突起千尺與獨秀山相
望下有還珠洞可容二十榻石如蒼玉旁有懸石如柱俗
號馬伏波試劔石巖上有巨人跡復有紫白二紋長數丈



蜿蜒相向有圓暈直其首如二龍戲珠舊名玩珠洞宋張
雜易曰還珠張孝祥大書於石洞前石脚插入灘江

七星山在府城東二里舊名七星巖七峰列如北斗旁有
小峰如輔星緣磴而上山半有亭曰簪帶絕頂有道院超
出塵表

彈丸山在府城東二里下有泉奔流迅激東注于灘江山
之西北及溪中有石如彈丸因名

西山在府城西三里一峰峻拔如立魚狀俗號石魚峰餘

峰列

隱山在府城西三里唐李渤出鎮見石門大開有水泓激
乃芟薙蕪穢跡通巖穴石林磴道若天造靈府不可窮究
因號隱山上有朝陽夕陽南華北牖嘉蓮白雀六洞吳武
陵韋宗卿有記

灘山在府城東南三里灘水之陽一名雉山又名沈水山
其山孤拔下有澄潭旁有洞穴南北直透上有怪石欹危
藤蘿縈茂土人嘗避亂其中

華景山在府城北三里下有洞深廣如厦屋中多唐人遺
刻

寶積山在府城北三里與華景山相連多詭石恠木山東隅有巖石乳融結舊名呂公巖

舜山在府城北五里一名虞山層巖臨江有舜祠并唐人磨崖刻記祠後有韶音洞宋張拭記云虛明以長石色青潤可愛而地之勝有若天成焉

穿山在府城東南五里山巔有穴通透望之如月輪挂空南溪山在府城南七里聳拔千尺煙翠凌空下臨南溪

辰山在府城東北一十里山有三巖下巖曲折而入石室穹然中巖乳石多奇怪上巖有一亭可眺望

中隱山在府城西一十里山有三巖下巖深廣如積大艘中巖明爽有乳石凝結上巖差小舊有寺懸崖製屋恍然非人境

堯山在府城東北一十五里環桂之山皆石此獨多土中有堯祠按史傳堯封履不到蒼梧以西與舜山相對人慕堯舜之風因名

侯山在府城西一十五里高聳如公侯端冕之狀

讀書巖在獨秀山下有石榻石牖如環堵之室可坐十客劉宋太守顏延之曾讀書其中後人因以其五君詠刻於

石側

曾公巖在七星山下石門谿中。中有澗水左旋東流，伏于石下。舊名冷水巖。宋曾布帥桂，跨澗爲石橋，榜以今名。屏風巖在府城東北五里。一名程公巖，屹立高百餘丈，中有平地可容百人，仰視鍾乳倒垂，狀如瓔珞。登石磴五十餘級，有石穴通明。昔人嘗卽其處作壺天觀，而名其洞曰空明。

劉僊巖在府城南七里，相傳仙人劉仲遠居此。磴道攀援而上，石室高寒，旁有穿雲僊蹟兩巖。

棲霞洞在七星山畔，入洞門下行百餘級，始得平地，感暑無炎歎。

水月洞在府城南二里濱江，三洞惟水月最佳。洞門透徹，山頂高數十丈，其形正圓，望之儼如月輪。

龍隱洞在七星山前兩崖，石玉立，仰視洞頂有龍跡。其下水深莫測，湧激如在三峽中。盛夏泛舟，其間涼風襲人，又名龍隱巖。

風洞在七星山後，洞口低下當戶，陰風襲人。宋柳開有銘刻于石。

白龍洞在府城南七里俯瞰南溪唐李渤嘗名以玄巖改曰白龍洞以洞中乳石凝結如白龍狀


湘灘二江源出海陽山流五里分爲二南灘水又名桂江漢討南粵戈船下瀨將軍出零陵下灘水卽此行二百里合癸水至府城下合相思江入梧州界北爲湘水合越城嶠水至全州又合洮灌二水入永州界

西湖在府城西三里環浸隱山六洞濶七百餘畝勝槩甲於一郡湖久廢宋經略張維築斗門復舊

訾家洲在府城東南先是訾家所居因以名之雖巨浸不能沒自古以爲浮洲唐柳宗元有記

省春巖在七星山之右如簷覆前有石乳承溜又如枯槎倒挂長七尺餘桂林四際溪山不留寸土惟此平田廣穡一望豁如故令長行春省耕于此山勢西東夕陽不入洞前甃以瑤臺圍以石檻右有小洞二三穿山而過架以層樓更衣燕息此延賓之善地也

韶音洞在虞山下入其中虛明以長仰而視之石去人塵尺許色青潤可愛瞰其旁多蹲踞蜿蜒如虎豹龍蛇者




巖圖




真僊巖在柳州府融縣東五里仰視高遠青白錯雜靈壽
谿貫串中出玲瓏清響如環珮聲中有白石巍然如天尊
像舊名靈巖山又名老君洞宋咸平中改爲真仙巖頒太
宗御書百二十軸藏于內張孝祥磨崖大書天下第一真
仙之巖

都嶠山圖



都嶠山在梧州府容縣南二十里山有八峰曰兔子馬鞍
八疊雲蓋香爐仙人中峰丹竈而八疊奇秀最高有南北
兩洞皆天造地設道書第二十洞天卽此南洞寬坦中列
浮屠大像北洞差狹爲星壇凡八中峰絕頂有室曰中宮
院

勾漏山圖



勾漏山在梧州府北流縣東北一十五里石峰千百皆矗
立特起其巖穴勾曲穿漏故名山有寶圭洞即道書第二
十二洞天也洞有三石室相傳葛洪嘗於此脩煉

白石山圖



白石山在潯州府城南六十里兩峰並立下有巖洞卽道
書第二十一洞天通容縣勾漏洞世傳葛洪煉丹嘗往來
其間洞之上會仙巖有煉丹竈及八仙石存焉

比明池圖



西北諸夷圖

東至肅州
西至沙州
至京師
七十里

東至沙州西
抵撒馬兒
南接于闐
北連瓦刺

東抵旁把
刀西連
烈東至肅
州九千里

南沙州西
北瓦刺東
南肅州一
千五百里

東距哈密西
連力把力南
抵于闐北接
兀刺東南肅

東北撒馬兒
罕千四百里
東至肅州
一萬一千

東抵罕東
北至沙州


罕東
甘州
西南

東抵曲先北
連旁把力東
北至肅州
六千三百里


東抵安定
北距肅州

洮州界長城盡處

松蕃界



點蒼山圖




地理圖會

卷二十一

十一

地理圖會

點蒼山在大理府太和縣治西五里凡十九峰連脊屏列
內抱如弛弓然峰各夾澗自山椒縣瀑注爲十八溪翠巒
條分青嶂並峙山色翠黛殷潤歷秋冬不枯高六十里接
連雲氣滇西山川聯絡拱揖蒙氏竊據封爲中嶽上有馮
河周迴萬步五月積雪皓然山本青石山腰多白石穴之
膩如切肪白質黑章片琢爲屏有山川雲物之狀唐李德
裕平泉莊醒酒石卽此產也夏秋之交山腰樓橫雲截如
玉帶頗號奇觀其陽多山茶其陰多丹桂又有木蓮躑躅
花樹並高數丈春日紅白錯襍被于谿谷中巖號雪山世




傳爲佛苦行之地草石皆作旃檀香氣叢林列剎諸峰錯
前襟榆水碧瀾萬頃望榆水東百里則有雞足山百里有
畢鉢羅窟遺靈勝蹟偏在茲區按一統志記其峰溪自南
而北一曰斜陽峰陽南溪二曰馬耳峰亭溟溪三曰佛頂
峰莫殘溪四曰聖應峰青碧溪五曰馬龍峰龍溪六曰玉
局峰綠玉溪七曰龍泉峰中溪八曰中峰桃溪九曰觀音
峰梅溪十曰應樂峰隱仙溪十一曰雪人峰雙鴛溪十二
曰蘭峰白石溪十三曰三陽峰靈泉溪十四曰鶴雪峰錦
溪十五曰白雲峰芒湧溪十六曰蓮花峰陽溪十七曰五
臺峰萬花溪十八曰蒼琅峰霞移溪十九曰雲弄峰至此
則山海相接環海之外復有諸山曰青巔曰雞崑曰玉几
曰羅釜曰曩葱曰龜曰蛇若拱若揖西向點蒼其間石窟
勝景不可殫數要之不若鎮山之奇麗云

西洱海一名葉榆水河出浪穹縣罷谷山下數處涌起如
珠世傳黑水伏流別派也自太和縣西北來滙於縣東爲
巨津形如月生五日遶縣西南由石穴中出盤迴點蒼山
後是爲漾水與漾水合又會蘭倉江而入南海蘭倉卽黑
水也海首有石穴八九月產油魚入謂水鹹故肥河尾產

細鱗魚皆魚族之至美而河海鹹淡亦頗微焉八月望夜
河海正中有珊瑚樹出水面漁人往往見之冬月海風水
面起火高數丈莫知其故水中有三島曰金陵曰赤文曰
玉几水涯有四洲曰青莎鼻曰大貫洲曰鴛鴦曰馬簾九
曲曰蓮花曰大鶴曰蟠磯曰鳳翼曰蘿蒔曰牛角曰坡垵
曰高崑皆可田可廬而大鶴洲隨水升沉如世稱鸚鵡洲
然

雞足山圖



滇中有金馬碧雞雞足諸名山爲西南壯觀金馬碧雞乃漢人之所望祭而雞足則釋迦佛大弟子迦葉之所藏修也山距大理百餘里由海則徑由陸則迂入海行六里至柴市又一矢至海神祠前有閣曰浩然海氣上騰旭日東升霞綺練光絢爛奪目洱海所由名因水影如月抱珥也舟行約二十里抵東岸地名鵬擺又山行二十餘里至下倉兩崖對峙石勢穹窿如欲墮狀傍有小澗藤蔓覆之惟聞水聲潺潺行一里許路險且狹行二里益險益狹又一二里稍平道傍多矮屋跨澗上者則水磴也又行二十餘



里至百接橋又三里至白石崖崖畔有庵曰白石草樹迷
藏不可見又二里至洗心橋又一里至沙址村又二里入
山前後水聲從空中瀉下如雷鳴此瀑布泉也土人所稱
此中磴盤者九灣轉者十八後過白水庵又一里至石鐘
寺西下二里許有大龍潭每潭中龍吟必有老僧入滅者
潭在巖前幅員百餘步二面列樹如援潭邊淺草茸茸水
平布草間僅寸許髮髯若葑田踐之浮浮欲陷下云昔有
道人見潭畔有異草前往取之忽水湧高數尺道人幾不
免是真有物潛伏不可犯耶近潭多古松千株山高不聞

鳥聲忽格磔數聲出松間此松雞也地上多松毬纔如雞
子而色青此卽松雞所啄而墜地者行二里至龍華寺夾
道皆古木木杪有絲飄蕭下垂如綠髮長數尺許土人謂
之樹衣又三里至雲海庵又一里至龍祥寺又二里至海
會庵又一里至玉皇閣又五里至迦葉殿土人及寺僧皆
稱袈裟殿以其聲相近而訛也殿西數十步有盤陀石上
可坐十數人東有真人洞洞在巖畔斗絕不可至出殿後
東行一里許穿深谷而上緩步支離行二三里而後至兜
率庵又二里至銅佛殿莊嚴甚麗出殿後一里許爲獼猴

梯石芒齟齬偃僂視石罅落手投足始得進步如此二三
里至土主殿則山之絕頂也絕頂有塔遶塔四望見是山
之形前出三支後出一支誠若雞足四趾然西望點蒼隱
約與是山高等而點蒼實高蓋彼有積雪而此無之是其
證也還下土主殿乃行遵山之後趾行二里至虎跳洞又
一里至舍身崖又一里由西巖穿石峽而下巖畔有仙人
石碁枰三十二子亦具峽徑多流石歷落擁足下步欹側
不能目持又一里至禮佛臺至此上下皆絕壁橫通一徑
下臨大壑紆餘十數里曰桃花箐又一里許至曹溪庵惟


老屋三間中有佛像右禪榻左爐竈又行一里至八功德
水又一里至華首門則迦葉安禪處也蓋石壁深入丈餘
高一餘丈廣如高之數又其上石出二丈許如飛簷故謂
之門正中有佛像左有磨崖字刻二處遠不可辨又一矢
許還至銅佛殿直下玉皇閣乃折而西行十餘里至三角
坊亂桃花溪乃遵山足右趾而行又十里至傳衣寺釋氏
書稱釋迦佛一日拈起一花示迦葉微笑遂授以正法眼
藏并付衣鉢此寺之所由名也又十里至福圓寺未至寺
一里許崖畔有泉地勢坳窞不能爲渠寺僧剝木爲槽橫


閣松上接聯引水入香積廚下山二三里至河子孔上不
龍祠山中大龍潭桃花箐諸水皆會於此昔釋迦佛生周
昭王之世而迦葉爲之大弟子是時滇中爲西域之境未
與中國通也故迦葉得以占雞足爲道場及二十八傳而
至達磨持迦葉所傳之衣鉢以入中國六傳至於盧能則
唐之中葉也而其時南詔尚建號稱王與中國抗天下雖
知有雞足之名然以限隔之故賸欲游而不可得方今華
夷一統南詔爲衣冠文物之區國家財賦之府四方游雞
足者踵接而至矣

九鼎山圖



九鼎山在雲南縣西北二十五里其山有九頂故名世傳
唐代村人於九頂上聞空中天樂累日不休乃相與尋索
山巖巖有九洞一洞有佛像五軀因建寺焉朝代幾更古
瓦猶在潼川僧明寂游訪至此佳其巖洞奇絕重爲修復
其寺飛樓校閣皆穴巖而構凭檻窺窓下臨無地信奇觀
也梯磴窈窕夜臥多依石屋有泉在寺左十步許雖大旱
涸猶足以作百人之供南中隱居之佳無與比者






方丈山圖




方丈山在鶴慶府城南一百里巖然峻拔山半有洞中有
池深不可測水滴岩下如方響音昔蒙氏羅閣鳳琢觀音
像于壁故又名觀音山南詔名山凡十七此其一也

雪山圖



雪山在麗江府西北二十餘里一名玉龍山條岡百里巋
巍千峰上插霄漢下臨麗水山巔積雪經春不消巖崖澗
谷清泉飛流蒙氏異牟尋封爲北岳



養龍坑圖



養龍坑在養龍坑長官司兩山之間泓渟奩深靈物藏其
下當春初和暢夷人立柳坑畔擇牝馬之貞者繫之已而
雲霧晦冥類有物蜿蜒與馬接其產必龍駒 本朝洪武
四年爲夏明昇降獻良馬十其一白者乃得之於此首高
九尺長丈餘不可控御詔祀馬祖然後勅典牧者囊沙四
百斤壓而乘之行苑中久漸馴習後將行夕月之禮於清
涼山乘之如躡雲一塵弗驚賜名飛越峰且命繪形藏焉
翰林學士宋濂爲之贊

三一溪圖



三才圖會 地理 卷一 四十一
三一溪在州治東其源有三一出沙莊一出雲南坡一出
目前山三流合一入于城南水洞洞外狹內曠其顛有通
明處其中懸崖怪石狀若人獸清奇可翫



